



Retningslinjer for tildeling av kulturpris

Kulturprisen blir kvart år tildelt ein eller fleire som har utmerka seg innan kulturlivet i kommunen.

Vaksdal kommune har sidan 1979 hatt sin eigen kulturpris. Prisen er ein gåvesjekk på kr 10 000 og ei gåve (t.d. måleri/grafikk av lokal kunstnar).

Mottakar av prisen er ein person, ein organisasjon, eit lag eller ein institusjon som har gjort seg fortent til ei utmerking. Ein kan få prisen for særskilde tiltak, eller for innsats for kulturlivet over tid. Alle kan nominere kandidatar.

Prisen er Vaksdal kommune si offisielle synleggjering av at kulturtiltak og særskild innsats for kulturlivet har stor verdi. Slik kan kulturprisen inspirere til vidare arbeid med fornying av kulturlivet i kommunen vår.

Proessen:

Kommunedirektøren vil i starten av kvart kalenderår oppmoda til å nominere kandidatar til kulturprisen. Både lag og personar kan nominere. Nominasjonsfrist er 1. mars. Kommunedirektøren vil nytte relevante kanalar til kunngjeringa.

Formannskap/plan- og økonomiutvalet gjer endeleg vedtak om kven som får prisen når nominasjonsperioden er over. Formannskap/plan- og økonomiutvalet skal la tolkinga av ordet kultur femna vidt når dei vurderer dei nominerte.

Formannskap/plan- og økonomiutvalet kan og vedta at det enkelte år ikkje blir delt ut pris, eller at fleire får kulturpris same år.

Prisutdelinga blir om mogleg lagt til eit kulturarrangement i kommunen.